

楊襄毅公本兵疏議

楊襄毅公本兵疏議卷之十

議寧夏陣亡副總兵王勲卹典

少保兼太子太保兵部尚書臣楊博等謹

題爲酋虜大舉侵犯官軍奮勇敵退打死逆黨等衆奪
獲枸杆等器輒復入寇復讐事職方清吏司案呈奉
本部送准總督陝西三邊軍務都察院右副都御史
俞時揭帖前事又准巡撫寧夏等處地方都察院右
僉都御史毛鵬揭帖爲大舉達虜擁衆攻邊官軍拒
堵損折將領事又該巡按陝西監察御史鮑承蔭揭
帖爲傳報大虜入境十分緊急聲息事等因通送到

司卷查先該巡按直隸監察御史楊惟平題內開建
昌副總兵蔣承勛陣亡該本部覆奉

聖旨蔣承勛死事可憫贈都督同知廕一子與做正千戶
世襲立祠陞襲俱照例行欽此已經通行欽遵外今該
前因查呈到部看得總督陝西三邊軍務都御史喻
時揭稱本年十月內大虜擁衆十萬撲至寧夏興武
營安定堡地方衝突攻牆官軍拒敵打死賊人數百
奔入清水營鹹溝邊內意圖復讎巡撫寧夏都御史
毛鵬揭稱達賊自清水營清字十七舖攻牆副總兵
王勲對敵陣亡乞要照例優恤贈官廕祠巡按陝西

監察御史鮑承脣揭稱大舉達賊由寧夏清水營賊
溝魚進境深入紅崖堡大營等處逼近固原勢甚猖
獗嚴行兵備將領相機戰守有功有罪查明另奏各
一節爲照陝西三邊今歲秋深全無警報入冬十月
乃復擁衆十萬於寧夏興武營等處東西攻牆副總
兵王勲獨能奮不顧身力戰而歿忠勇之略委可嘉
尚况今前賊既稱南下韋州固原一帶均屬可慮以
天時常理度之草枯水凍自難久持以虜情變詐觀
之狼貪虎噬原無厭足相應急爲議處合候

命下將王勲照依蔣承勛事例贈都督同知另廕一子與

做正千戶世襲仍立祠死所歲時致祭應襲兒男襲
陞三級巡撫衙門先給棺殮銀五十兩以示優恤本
部一面馬上差人移文總督俞時巡撫毛鵬文書到
日如果前賊尚不出境即便督率各該將領併力驅
逐一面移咨都察院轉行彼處巡按御史通將賊經
處所逐一查勘要見地方有無隱匿重大情節損折
將領是否止於奏內之數失事人員應察應問作速
回奏嘉靖四十一年十一月十九日題奉

聖旨是王勲准贈都督同知廕子立祠等項照例行欽此
復江廣紀功御史段觀言等奏知縣徐甫宰軍功

陞職疏

題為仰仗

神武劇賊相繼生獲三省地方寧靖事職方清吏司案呈
奉本部送兵科抄出江西廣東等處紀功監察御史
段鎮言題前事又該巡撫南贛汀漳等處地方提督
軍務都察院右副都御史陸穩題為仰仗

天威擒獲劇惡賊首飛報會勦全捷事又該巡撫江西等
處地方兼理軍務都察院右副都御史胡松題為計
擒有名劇賊禍源盡塞人心稱快事俱奉

聖旨兵部知道欽此欽遵抄出送司案呈到部看得江西

廣東等處紀功監察御史段顏言巡撫南贛汀漳都御史陸穩巡撫江西都御史胡松各題稱嘉靖四十年十月內官軍生擒程鄉賊首林朝曦緣由內稱賊首林朝曦係干大惡應否比照張璉等例極刑梟示知縣徐甫宰功當首錄乞要比照浙直董邦政等例超陞僉事或仍行取擢用各該功罪查實另請一節為照程鄉賊首林朝曦雄據一方禍流三省向突入於江西憲臣被害今奔移於廣東黎庶弗寧僭據之罪雖在張璉之下豪橫之惡寔出張璉之上論者謂璉雖就擒猶猶漏網東南之事終屬未靖良有

爾仰賴

聖皇在上神武丕昭玄威遠布將兵用命氛祲全銷一時
効勞人員如知縣徐甫宰官雖縣正才本師中操縱
悉中乎機宜威信素孚於衆志功當首論御史段顧
言欲要超加陞用不為過舉其餘有功人員副使馮
臬謨等雖該督撫等官具奏前來紀功御史尚未勘
到相應通行議擬合候

命下將徐甫宰移咨吏部查照重邦政趙大河事例註擬
廣東相應職銜令其任事林朝職提督撫按官就彼
處決徑自臬示馮臬謨等仍候段顧言另奏至日分

別陞賞嘉靖四十一年十一月二十三日題奉

聖旨是欽此

覆江廣紀功御史段顧言條陳三省善後事宜疏
題爲遵奉 欽依條陳三省善後事宜伏乞

聖明採擇以裨化理事職方清吏司案呈奉本部送兵科
抄出江西廣東等處紀功監察御史段顧言題奉

聖旨該部知道欽此欽遵抄出送司案呈到部看得江西
廣東等處紀功監察御史段顧言條陳三省善後事
宜六事合就開立前件議擬上請定奪嘉靖四十
一年十一月二十五日題奉

分守官既有勅書關防不必兼憲職其餘都唯議行
欽此

一重事權以均節制看得福建汀漳廣東潮惠雄韶
湖廣郴桂既聽南贛軍門節制復聽各省兼制前入
立法自有深意蓋南贛軍門所專督者山寇一事耳
乃若汀漳潮惠則有倭寇郴桂則有苗情自是各省
督撫之事似難分割而治所據前項地方專聽南贛
軍門節制并兼制四省三司更總督職銜揆之事體
均屬未妥合無移咨南贛軍門查照原擬責任所轄
地方除民情不預外一應軍馬錢糧悉聽便宜處置

都布按三司守巡兵備軍衛有司事干軍機文書到日一面遵奉作速施行一面轉達本省撫按知會不許仍前牽制違悞違者悉聽叅究其事體重大應與各省鎮巡官計議者仍要計議而行不得自分彼此一定分轄以聯職守看得南贛軍門控連四省各該兵備守巡有事方來一見無事若不相涉殊非事體至於各官應管信地應脩責任必須分畫一定方得責成之意合無移咨南贛軍門通行廣東嶺東嶺南福建巡海漳南湖廣上湖南等道兵備有司等官即今事平之後仍要悉聽節制一應軍馬錢糧事宜該

應面授方略或應移文請詳俱照本處軍門事體行事如敢仍前阻撓即便指名查叅以憑究治其嶺東分守道移駐龍川專管北路一帶所轄惠州府博羅歸善河源龍川和平長樂興寧及潮州府屬程鄉新縣分巡道仍駐潮陽兼管南路一帶所轄潮州府饒平大埔海陽潮陽揭陽惠來并新立二縣及惠州府屬海豐各縣一應錢糧兵馬各照所管地方平時預為料理有事各自徵調不必仍前會同彼此牽制分守官照例請給勅書關防移咨吏部量兼憲職以便行事其嶺北嶺南守巡道亦該移駐該管地方以

便調度仍咨軍門定擬具奏

一扼險要以塞釁源看得廣東嶺脚社黃岡鎮月港三處俱係險要地方必須設官控制方保無虞合無依其所擬將嶺脚社添設把總官一員戍兵五百名兼管水寨為槎小篆象湖等處仍聽伸威營副總兵及潮州叅將節制潮州守備移駐黃岡鎮與原設捕盜通判會同管事詔安所聽南贛軍門選委才幹所官一員專管巡捕令其往來月港梅嶺常川邏候其月港添設縣治移咨戶部徑自議覆

一移巡司以便捕詰看得廣東白垵大產雲落徑為

埠嶺烏槎虎頭砂潘田磁龜村等處俱係要害合無
依其所擬將前項地方各設巡司一所巡檢官一員
合用弓兵官廨等項聽總鎮官酌量處置驛丞何奇
御史既稱可用移咨吏部改陞鵞埠嶺巡檢就令管
事楓洋巡檢司移駐海陽白水村闕望巡檢司移駐
饒平東墮長塔埔巡檢司仍移回舊地以便盤詰饒
平縣縣丞移駐大城所與該所軍官公用管事豪居
通判令駐清遠往來松口逕心等處不時巡緝其松
口松源添設縣治移咨戶部徑自議覆

一更戍守以嚴海防看得廣東南灣處所實番船往

來之衝軍門原委把總官一員令其駐劄本地扼險
戍守不知何年潛移柘林奔險於賊委為失策合無
移咨兩廣總鎮官將南澳大金門把總仍舊移駐南
澳地方督率官軍脩補戰船專備海賊出入之防本
澳未填一穴即便設法填塞永絕禍源仍於大城所
官軍量撥二百名委官屯戍上里處所以塞由陸桴
海之區俱聽分巡海道及漳州叅將節制其海上除
違禁貨物外一切魚販絲布小利任其往來貿易不
得一槩阻革以絕民生

一肅部曲以利戰守看得江西閩粵等處叅遊備總

等官多係近年添設所領之兵未有定營那移作弊
妄當釐正合無備行各該總鎮提督衙門通將各路
叅將遊擊守備把總等官所統兵馬昭依地方事例
分為奇正援遊大率總兵營為正兵副總兵營為奇
兵叅將營為援兵遊擊營為遊兵就於各軍衛所用
籍內註定某戶某人世充某將某營兵不許仍前朦
朧作弊仍嚴督各該守巡兵備親自會同各該將領
所轄營兵通加挑選酌量營所衝緩分撥應得兵數
勒定冊籍本道本營本衛所府州縣各存其一以備
查考至於將領賢否撫按官務要公同舉劾陞遷久

任本部自當酌量錄用

覆兩廣提督侍郎張梈條陳善後事宜疏

題爲議處兵後地方以圖治安事職方清吏司案呈奉
本部送兵科抄出提督兩廣軍務兼理巡撫兵部右
侍郎兼都察院右僉都御史張梈題奉

聖旨該部知道欽此欽遵抄出送司案呈到部看得提督
兩廣軍務兵部侍郎張梈條陳四事內有與紀功御
史段顧言相同者合就開立前件議擬上請定奪嘉
靖四十一年二月初九日題奉

聖旨准依議行欽此

專任責成者二看得提督所稱除嶺東巡道外該御史段顧言具題本部覆奉

明旨分守官既有勅書關防不必兼憲職其餘都准議行外所據該縣東西北三路通判同知畫地責成等項事宜中間計處俱已周匝合悉如擬施行

建立城館者八看得提督所稱某嶺脚社大城所等處大率與該道原議相同其未楷地方亦設一館提督所議更為周匝合悉如擬施行驛丞何竒先該御史段顧言具題已陞鶯埠嶺巡檢難以再議

移設巡司者七看得提督所稱除潘田虎頭沙烏槎

營磁龜村設添巡司楓洋關望吉安改移巡司俱與御史段顧言所陳相同已經奉有

欽依外其議復東隴水寨并脩築三河埠驛館二件中間掣調官軍區處錢糧等項計議周匝合悉如擬施行議處官兵者二看得提督所稱切緣黃岡見在目兵一枝雖稱忠勇但本總黃仲寶年方六歲勢難銓束御史段顧言亦謂不可常留至於歸善和平原抽民壯委當議處嶺東守巡隨捕軍兵委當改撥合無移咨總鎮官督行該道叅將官通將應守黃岡目兵每年輪流更番換撥黃仲寶一枝軍門早加首牒省令

回還毋得備累潮州府原抽歸善和平二縣民壯八十名掣回該縣守城團操聽將該府庫貯海潮揭三縣秋糧銀兩餘下二千就行動支雇募以補前數其分守道聽於長樂兵內分巡道聽於潮州兵內就近各分撥一千名餘下一千仍屬惠潮叅將統領至於訓練稽查事宜俱聽各道徑自施行

覆延綏撫鎮官孫慎等出塞搗巢獻捷疏

題爲恭報捷音事職方清吏司案呈奉本部送兵科抄出巡撫延綏等處地方都察院右僉都御史孫慎鎮西將軍鎮守延綏總兵官署都督僉事趙奇題俱奉

聖旨兵部知道欽此通抄送司卷查嘉靖三十九年七月
該總督宣大都御史葛縉題爲捷音事內稱督令官
軍出邊擒斬達賊首級一百五十名願該本部覆奉
欽依將總兵官劉漢陞都督同知廕一子本衛所千戶總
督都御史葛縉陞兵部右侍郎巡撫都御史李文進
廕一子入監還各賞銀三十兩紵絲二表裏叅將麻
祿等各陞二級賞銀二十兩遊擊徐欽等各陞二級
副總兵趙哥等陞俸一級叅將李官等各賞銀
十兩欽此通行欽遵外今該前因查呈到部看得延
綏鎮巡官都御史孫慎等題稱嘉靖四十一年十月

督率官軍分道出邊搗巢斬獲達賊首級一百八十三顆奪獲達馬四百九匹駝牛八十六隻夷器達箭二千四百三十四副件枝及稱總督都御史俞時功當首論巡撫延綏都御史孫慎功當優論鎮守延綏總兵官趙奇功當同論分守定邊副總兵徐仁亦當同論延安遊擊牛秉忠原任叅將劉定原任遊擊李希靖周池正兵營千總史臣例該陞級仍當重賞內李希靖見議立功劉定爲因註誤見行叅提副總兵張琮功亦當錄原任副總兵雷龍叅將許忠艾梓延綏遊擊于宋章原任叅將劉楫高汝泰功當併錄靖

邊管糧道僉事陰秉賜功當重論署榆林管糧道綏
德州知州劉相功亦可錄總督喻時等下令典金宗
誠等五名亦應查擬乞要將前効勞人員先擬陞賞
李希靖劉定應否准贖免提獲功官軍仍行巡按御
史查勘各一節為照延寧一帶通臨虜巢即令寒冬
十月糾衆十萬忽自寧夏清水營等處潰牆南下總
督與延綏鎮巡官俱能同心計議分兵搗巢斬首一
百八十餘顆馬匹駝牛夷器等項奪獲倍之殊得兵
家攻其所必救之意且荒漠之外功次極真絕無殺
降之弊偏裨之將帶傷甚衆足昭敵愾之忠除喻時

固原失事頗重功罪相參已經罰治令史金宗誠等
原無可錄外所據總兵官趙奇巡撫都御史孫慎既
經該司查有前例自當以親臨戰陣者為首而遙制
者次之事干激勸相應通行議擬合候

命下將趙奇重加陞賞孫慎量與蔭敘徐仁牛秉忠周池
史臣同加陞賞張琮劉楫許忠高汝泰陰秉賜重加
賞賚雷龍艾梓宋章劉相量加賞賚李希靖劉定先
行重賞李希靖原係立功人員准其贖罪遇缺推用
劉定所犯事情賊雖不多恐碍邊方錢糧應否免提
轉行彼處巡按御史文書到日限一月以裏勘明回

欽定四庫全書
卷一百一十五
奏陣亡有功等項官軍造冊奏繳鎮巡衙門差來奏捷人役照依會典一百一十名額以上事例另行陞賞但 恩威出自

朝廷嘉靖四十一年十二月二十三日題奉

聖旨是這出邊擒斬數多趙苛陞都督同知孫慎蔭一子入監讀書還各賞銀三十兩紵絲二表裡徐仁等各陞二級賞銀十兩一表裡張琮等各二十兩一表裏雷龍等各十兩李希靖劉定身被重傷都准贖罪遇缺推用還各賞銀二十兩欽此

議處兵食恢復福建興化府治疏

題爲再處福建兵食以期勦滅倭寇事職方清吏司案呈照得倭寇襲破福建興化等城已該本部將應行事宜題奉

欽依欽遵外目前之計首該足兵兵不嫌於精銳次該足食食最貴於充盈呈乞查處案呈到部看得福建地方倭寇猖獗堅城襲陷彼所利者在於子女玉帛雖無占據之圖我所恃者在於食足兵強方伸敵愾之氣所據該司欲要再爲查處無非憤激於中亟求掃蕩之意相應通行議擬合候

命下馬上差人移咨巡撫江西侍郎胡松除催促叅政譚

綸帶領浙兵前去截殺外再於本省見在兵內選撥
一枝責委驍勇將官統領速赴福建與譚綸協心計
議相機勦逐聽巡撫游震得節制調度不許自分彼
此其廣東大山兩折四面無風中減千船實為此倭
淵數本部仍咨兩廣提督都御史張集等一面調集
彼處官兵搗其巢穴使其進無所據退無所歸以絕
禍端一面開具的確緣由星馳奏知南京戶部見今
積有折草銀兩於內動支十萬兩聽本部差官一員
南京戶部差官一員解送游震得處相兼支用本部
於太僕寺馬價銀內再行轉備十萬兩聽候緩急以

次督發庶幾 天威振揚人心踴躍臣等竊計此賊
不足滅矣嘉靖四十二年正月二十五日題奉
聖旨是銀兩便差官解去應用南灣賊藪著張梈等督兵
勦滅具奏欽此

覆巡撫浙江侍郎趙炳然請會勦隣境山海寇疏
題爲隣寇衝犯勢甚猖獗懇乞

天恩早賜會勦以安地方事職方清吏司案呈奉本部選
兵科抄出該提督軍務巡撫浙江地方兵部右侍郎
兼都察院右僉都御史趙炳然題奉

聖旨兵部看了來說欽此抄出送司案呈到部看得提督

軍務巡撫浙江地方兵部右侍郎趙炳然具題前因
不意謂福建倭寇山寇事關兩省勢難合一欲要與
福建巡撫分兵遣將尅期進剿并要責成台金嚴叅
將戚繼光權宜兼統兩鎮之兵各一節爲照侍郎趙
炳然初至浙江即抱震鄰之慮併憂福建欲爲夾勦
之圖實有共成安攘之心全無自分彼此之意臣等
反覆所奏見其銳然任事深爲地方得人足慶但戚
繼光近日已陞福建副總兵兼統溫台正與本官所
論不約而同事切燃眉相應亟爲議擬合候

命下備行侍郎趙炳然會同福建巡撫都御史游震得總

兵官劉顯俞大猷等調度戚繼光帶領義烏等項兵
馬隨賊逐勦福建賊勢猖獗先除福建之賊萬一突
至浙江亦要隨賊向往速爲撲滅合用軍餉照依題
准事理浙江七分福建三分不許推諉賊平之日浙
江巡撫與福建官兵一體論功本部一面移文兩廣
提督都御史張臬江西巡撫侍郎胡松亦要與福建
巡撫叶心併力同濟時難若使厝東江西浙江三省
處處截勦此賊既無所據又無所歸釜中之魚自當
糜爛臣等膚見如此均乞

聖裁嘉靖四十二年二月初四日題奉

聖旨是欽此

請命征勦總兵官劉顯節制福建土客官兵疏

題爲軍務事職方清吏司案呈奉本部送據征勦廣福
南贛等處地方總兵官南京中軍都督府僉書署都
督僉事劉顯揭帖到部送司案呈到部看得征勦廣
福南贛等處地方總兵官劉顯揭稱督同把總郭成
等於十二月初十日二更時分攻入興化城內殺傷
倭賊千餘橫屍滿地救出困憊之民萬數欲要添兵
二萬主客官兵悉聽其節制一節切詳前項倭奴既
入興化城內往來縱橫其城已爲虎穴矣總兵劉顯

乃稱督率把總郭成等乘夜進城大振兵威若果不
虛忠勇之略殊可嘉尚臣等自聞警報以來議發銀
三十萬兩戶工二部又將叔木賊罰等項通准支用
軍餉稍爲有備又當議調浙江義烏之兵江西馳勁
之兵總政譚繼文等前赴應接又令廣東提督張臬
勦滅南海之衆兵勢亦可觀但患在剝膚事切燃
眉倘可少禪時艱不嫌多筭所據總兵官劉顯揭報
前因相應再爲酌處合候

命下馬上差人移咨兩廣提督都御史張臬於廣西狼兵
內精選六千名分爲二枝各委驍將統領速詣福建

交付劉顯調度劉顯仍差一官前去廣東會同彼處
官司從實搜選止責於精不貴於多其各項官兵除
浙江江西巡撫會勦之兵總兵官俞大猷標下之兵
叅政譚綸所領浙兵專聽游震得節制俱難屬之劉
顯外其餘福建主客官兵自副總兵戚繼光而下悉
聽劉顯節制敢有抗違應奏者指名叅奏應處置
者軍法處置嘉靖四十二年二月初五日題奉

聖旨是這會勦主客官兵都著聽游震得劉顯節制欽此
後北畿印馬御史吳守條陳馬政疏

題爲敷陳愚見整飭馬政以裨重計事車駕清吏司案

呈奉本部送兵科抄出巡按直隸監察御史吳守題
奉

聖旨兵部看了來說欽此欽遵抄出送司案呈到部看得
巡按直隸監察御史吳守條陳七事均於馬政有益
合就開立前件議擬上請定奪嘉靖四十二年二
月初六日題奉

聖旨依議行欽此

一併差限以專督察看得種馬寄養二事印烙點驗
本相關涉今既兼統於印馬御史乃復各另請給
勅書一在三年之後一在一年之終以致官守靡定吏弊

益滋御史吳守欲要合爲一差共請 勅書一道繳
勅復命俱候三年事體簡明委可經久合無備咨都察院
轉行南北印馬御史以後種馬備用不分本折照舊
管理大率以三年爲限先期三月備呈都察院題請
新官到日交代明白方許回京復

命北印馬御史仍兼管寄養各止用

勅書一道本部定擬責任行移翰林院通行換給

一裁冗員以專責成看得

國家設立州縣管馬官員專為種馬孳牧正德元年御
史王濟建議謂雖有種馬之名而無種馬之實徒有

孳生之名而無孳生之用本部擬奉

欽依不必較其駒之有無亦不必印烙每年備用馬匹止
令一郡之內各照丁田議令朋納本色或折色大馬
一匹騾駒之責佐貳官既無所與備用之馬掌印官
自可責成御史吳守謂寄養州縣管馬官多屬貪徒
百端需擾要將管馬佐貳官裁革悉令掌印官兼理
其事誠爲有見臣等再三咨訪不止寄養州縣所據
南北種馬州縣事體皆同難以去彼存此今無移咨
吏部都察院將南北直隸河南山東種馬寄養地方
除各府管馬通判照舊存留以總其綱外其餘州縣

管馬官不分同知判官縣丞主簿盡行裁革送部別用一切馬政責令各掌印官兼理止許點視種馬不許騷擾騾駒遇解俵之期各州縣差能幹除醫官一員該吏一名管押或本或折赴該府通判處點驗堪中足色倒換府批徑自解部各府通判及州縣掌印官三年考滿吏部移文本部查考如有推調廢弛者查照弘治九年題准錢糧軍伍事例不許考滿果能脩舉馬政聽撫按印馬御史旌薦陞用

一酌審編以便寄養看得順天保定河間所屬州縣寄養之馬原額四萬六千六十三匹近以瘠地拋荒

窮民流移以故州縣絕無上戶派養累及單丁御史
吳守欲要拋荒之地通融酌減止派三萬匹無非救
濟時艱之意合無聽北印馬御史會同各該撫按衙
門選委廉幹官員照依今議作速審編大約總計止
用三萬匹此外不許多派承委官員務要秉公持正
不許容情作弊事完造冊送部查考以後該派折色
本色容臣等臨期酌量多派折色少派本色則寄養
之馬自當漸減

一選解俵以充備用查得本部題准派馬事例本色
馬務要揀選身高四尺兒馬五歲騎馬八歲以下方

許起俵近年以來狡猾減價買抵或權豪囑託換易以致馬匹矮小大半不堪御史吳守謂與其驗退於到寺之日不若精選於起俵之初甚爲有理合無通行南北印馬御史會同各該撫按衙門行令各府州縣以後起俵備用本色馬每匹定銀二十七兩內二十兩買馬五兩充爲路費此外不許分毫科取其馬務要中式各該掌印官親驗停當解部發寺交收果有驗多中選且無虧欠者少卿等官會呈本部咨送吏部旌擢仍襲前弊者叅奏罷黜至於批攬抵易等弊各該衙門以後通行嚴禁

一蠲積逋以蘇民困查得四十一年十月內該太僕寺少卿劉朝佐條陳要將各州縣倒失變賣馬價三十二年三十三年全免二十四年至三十一年量徵四分三十四年至三十六年徵解六分三十七年至四十一年蠲歲豐收仍議全徵本部謹奉

欽依照數徵解去後御史吳守謂節年拖欠馬價數多一時追併民力不支欲將二十四年至三十四年盡行蠲免仍將三十五年至四十一年拖欠分爲三分每帶徵一分三年之內陸續徵完無非寬恤民窮之意合無除四十二年該比拖欠不許怠緩照依戶部題

准徵糧事例遵行外其二十四年至三十四年通行蠲免三十五年至四十一年拖欠分數每年帶徵一分悉如所議施行

一定群醫以祛夙弊看得 國家養馬編立群長以司馬之牧僉報獸醫以治馬之疾當初立法未為不善乃今無賴之徒營充群醫以致奸蠹百出御史吳守謂群醫之說無益有損欲求專醫各里僉定一名按月稽察勤惰至於群長每里止編五名每年每里一名均切時弊合無悉如所議施行

一酌徵派以釐積弊看得各該府州縣派取

內府酒醋局鹽銀供辦太僕寺春秋馬祭以至比較循
環叅提官吏取役門隸點視罰贖等項公用之數無
幾私斂之費十倍蠹政殃民莫此爲極御史吳守欲
行省革深中弊源合無轉行印馬衙門會同撫按衙
門并劄付太僕寺轉行各該府州縣內局牛鹽銀以
後止許照價徵解其太僕寺春秋供祭除良卿涿州
宛平大興保定香河永清灤縣等八處衝繁補苴不
派外其餘通州寶坻密雲順義武清三河懷柔玉田
固安遵化東安豐潤薊州房山霸州文安平谷昌平
大城等十九州縣一如本寺卿唐寬近日議呈事理

每歲止輪一處赴寺給領庫銀置辦祭品至於比較等項悉照原議俱從省便違者聽本部叅究治罪

會議驛傳銀兩免扣解部疏

題爲條苑驛傳事宜以蘇困敝事該本部題車駕清吏司案呈奉本部送兵科抄出整飭薊州等處邊備兼巡撫順天等府地方都察院右僉都御史徐紳題奉聖旨兵部知道欽此欽遵抄出送司案呈到部看得順天各屬扣解銀兩乃一時權宜之法不知軍餉驛傳各有攸司即使驛遞衙門果能盡省供費取以濟邊有何不可乃今錢糧雖減供費如舊以致小民膏脂重

覆版剝各處奏報文移讀之可痛不止順天一處而
已合無通行天下撫按官員自嘉靖四十二年以後
免其扣解照舊存留各驛遞支用其四十一年以前
者亦要清查明白各另開坐奏知等因節奉

聖旨這本內扣解銀兩一件你每還會同戶部詳議來說
欽此卷查嘉靖三十七年四月內准戶部咨爲傳奉
諭事該本部覆議裁省馬匹通行各該撫按衙門逐一
備查馬驢某驛若干每頭匹價銀若干查照原額係
衝要者量減十分之三不係衝要者量減十分之五
通扣減除銀兩解送戶部以充邊儲節奉

聖旨是裁省座船馬匹都准行額徵銀兩巡按御史逐一查明不許延緩欽此又查得嘉靖四十年正月內該巡撫保定都御史霍冀咨稱會同巡按御史丘文學查議乞將三十九年分各驛土民馬驢工料并支應銀兩并以後年分通免扣減等因在卷本年七月內該山東兗州府昌平驛馬夫朱茂奏稱驛遞疲敝又奉新例將臣工食以十減三館庫銀以十減五難以應役乞要照舊補給等因咨行彼處撫按衙門議報去後又查得嘉靖四十一年十月內該戶部題為欽奉聖諭事內稱清查驛遞銀兩先該吏部等衙門會議酌處

驛遞通行各該撫按備查各該驛遞船隻人夫馬匹
各該若干某項應減若干應留若干逐一查議回報
其舖陳不論水陸南北見在者聽用未造者暫行停
造前項減裁停造船隻頭匹夫役舖陳等項價銀各
司府盡數起解太倉以備邊餉題奉

欽依通行欽遵訖但前項銀兩節次行催未據開有額數
本部無憑查考以致混亂欺隱或廢閣停徵或那移
別用徒有虛名無濟實用相應題請清查合候

命下本部移咨浙江等省南北直隸各巡撫都御史及咨
都察院轉行各巡按御史遵照會議題准事理將前

項裁減驛遞銀兩逐一清查要見原額馬價若干裁
減若干協濟馬價若干裁減若干驢頭若干裁減若
干船隻若干裁減若干鋪陳家火若干裁減若干館
夫水夫若干裁減若干分析明白造冊送部以憑稽
查催取仍嚴督司府定要每年于上半年將前項銀
兩作速起解不得延緩及私自挪移別項支用題奉
聖旨這所奏都准行一應額派及濟邊錢糧著各該撫按
官嚴督完解欽此今該前因臣等會同太子少保戶部
尚書高燿等議得軍餉不足則士氣餒而
國家之藩籬不固驛傳不通則行旅滯而

國家之氣脉攸關之三者均非細務即自嘉靖三十
七年扣解以來其利於軍餉者十之一二其害於驛
傳者十之八九大率各處徵解到部一年多者八九
萬兩少僅四五萬兩以之供邊九牛之一毛爾至於
驛傳則十夫九逃十馬九缺十驛九閑近日倭奴襲
破福建興化等城齎奏入後四十餘日方始至京問
其遲留之故則云所在驛分如入無人之境既乏口
糧又乏脚力風塵徒步不勝苦楚在廷大臣嘗任巡
撫者臣等亦嘗一一咨問咸謂驛傳錢糧雖云扣解
彼處官司未免重徵輾轉方今賦繁後重民瘼艱難

寬一分則受一分之益增一分則受一分之累萬一不堪朘削相聚爲盜則又臣等本兵之責矣臣等兩部再三虛心酌量仍當復舊爲便恭候

命下通行天下撫按官將扣解銀兩自嘉靖四十二年爲始不必解部存留各驛遞支用四十一年以前者照依戶部原議各另清查明白要見某年實該扣銀若干解過若干未解若干作速遞完仍解戶部不許那移別用并侵冒作弊備細開坐具由奏知再照各處驛遞錢糧既復供應自裕以後若遇探報聲息并公差員役經過驗有齎執火牌勘合作速查照應付不

得時刻遲留至於聲息之事尤爲緊要各軍門差
探報軍役止許起馬從陸以便飛馳不許乘船由水
以免風阻必是陸路不通之處方可從船但可通陸
各驛遞不許濫應船隻違者悉聽撫按并該道官從
重究治嘉靖四十二年二月初八日題奉
聖旨是這驛遞銀兩准免扣解你每還行與各處撫按責
令該道官著實查理不許侵濫如該道官坐視故縱指
名叅奏處治欽此

會議京營操練神器關鎖交納定期疏

題爲懇乞

天恩查收神器申明舊例以重軍機事准

總督京營戎政太子太保鎮遠侯顧寰等手本先該
兵仗局署局事長隨徐州等題奉

聖旨兵工二部看了來說欽此已經備行查議去後今准
前因臣等會同太子太傅工部尚書臣雷禮等議得
祖宗舊制火器大藥無事藏之內庫乃防微杜漸之常經
開操領之外營實夕習朝演之權宜但歇操之後不
行交還將領之罪自難輕貸常操之時每日交還士
卒之苦日不暇給既經戎政大臣酌處前來相應通
行議擬合候

命下本部轉行該營凡遇開操之日應用火器先行移文

工部及該局知會至期照常委官關領住操之日即行交收如有遺失於原領委官名下嚴限查追仍加究治其原領未交軍器戎政大臣作速督催交納果有推調侵沒者指名參奏聽候

聖裁其蓋造廠房以便收貯一節委爲簡便合悉如擬舉行嘉靖四十二年二月二十六日題奉

聖旨是原領軍器著作速查催交納欽此

請命右都御史張臬總督廣閩軍務勦除閩寇疏題爲賊勢日益侵橫撫臣支持無策懇乞

聖明早賜破格議處兵糧以保東南重地事職方清吏司

案三奉本部送兵科抄出巡按福建監察御史李邦珍題前事提督軍務兼巡撫福建地方都察院右僉都御史游震得題爲倭賊重大兵糧匱乏地方萬分危急懇乞 天恩亟議經略以圖治安事俱奉

聖旨兵部知道欽此又該南京兵科等科給事中范宗吳等奏爲倭賊陷據郡城懇乞 聖明查究失事官員併議調處兵糧以救海隅生命事南京江西等道監察御史張士佩等奏爲倭夷陷據郡城乞

賜究治失事官員選任重臣調兵處餉亟行勦滅以救生

靈事俱奉

臣等該部知道欽此欽遵通抄送司案呈到部看得福建
倭寇臣等自聞警報以來晝夜圖惟不遑寧處隨將
應調官兵應發糧餉應添將領出格計處已經節奉
依查與巡按御史李邦珍等所奏大略相同至於巡撫
游震得始於臨敵忌於易將故令住俸戴罪以冀後
效今稱束手無策一籌莫展難以仍留任事臣等又
竊見提督兩廣右都御史張臬去歲既擒張璉又擒
林朝曦十月間又於潮州地方殺敗大勢倭賊斬首
七百餘級見今南灣一空南人甚服本部近議徵調
廣西狼兵六千分爲二枝若得張臬總領兼制威望

素著足以坐收掃蕩一時經略大臣無出其右相應
與總兵劉顯叅政翁時器叅將畢高通行議擬合候
命下將游震得革去職任回籍聽勘劉顯戴罪殺賊翁時
器畢高轉行彼處巡按御史提解來京依律問擬一
面將各起失陷城池官員不分三司府衛州縣通行
查明應叅奏者指實叅奏應提問者徑自提問以正
法紀以肅人心仍將張臬添請

勅書一道令其暫管總督閩廣軍務親詣福建調度兵食
一應事宜悉聽便宜處置賊未平則爲力戰之圖賊
已平則爲善後之計福建鎮巡并副叅遊守三司守

巡兵備等官及劉顯悉聽節制抗違阻撓者許以軍法從事浙江江西應調官兵移文調取巡撫趙炳然胡松各要遵奉

明旨協心共事如果賊勢窘迫突還惠潮張臬即便隨賊驅勦早使開洋以絕四省之患本官見住潮州相去福建一日二日之程淡旬可至其機甚速其勢甚便候賊平之日照舊回鎮梧州提督兩廣軍務原勅差人徑自進繳臣等愚見如此伏乞

聖裁嘉靖四十二年二月二十六日題奉

聖旨是張臬著總督廣西軍務用心調度以靖地方寫勅

與他游震得革了職回籍聽勘員缺即推補劉顯准戴
罪殺賊翁時器畢高巡按御史提解來京問欽此

覆都給事中丘樞等申飭福建諸臣亟勦倭寇疏
題爲閩寇陷據府治地方失事異常懇乞

宸斷嚴法紀重責成以大彰 天討事職方清吏司案呈
奉本部送兵科抄出兵科都給事中丘樞等題奉

聖旨兵部知道欽此又該吏科給事中魏時亮題爲仰體
聖心乞賜議處閩寇早振 天威大彰安攘事奉

聖旨該部看了來說欽此欽遵抄出送司卷查先該巡撫
福建都御史游震待題該本部覆奉

明旨將游震得等都住了俸戴罪敘賊督令副總兵戚繼光叅政譚綸領兵遊擊充爲事官鄧城等各統兵協勦浙直稅契各項銀兩及本部借處南京戶兵二部銀二十萬兩已經差官解送游震得處交割應用本部又於馬價銀兩轉處一十萬兩聽候以次督發又該本部題爲再處福建兵食以期勦滅倭奴事題奉欽依馬上差人齎文巡撫江西侍郎胡松催促叅政譚綸帶領浙兵前去截殺再於本省見在兵內選撥一枝相機勦逐又行兩廣都御史張臬調集彼處官兵搗其南澳巢穴以絕禍端又該征勦廣福南贛等處總

兵官署都督僉事劉顯揭帖爲軍務事該本部題奉
欽依備行兩廣都御史張臬於廣西狼兵內精選六千名
分委驍將統領速詣福建交割游震得劉顯節制調
度又該巡按福建御史李邦珍題該本部覆奉

欽依將游震得革職回籍聽勘劉顯准戴罪殺賊翁時器
畢高提解來京問各起失陷城池官員不分三司府
衛州縣通行查明應奏者奏應提問者提問議
將提督兩廣都御史張臬添請

勅諭一道令其暫管總督廣閩軍務往來福建調度兵食
靖地方俱經通行欽遵去後今該前因通查案呈

到部看得兵科都給事中丘樞等題節據福建撫按
具題倭寇萬餘攻陷興化府治及稱地方當事諸臣
烏能辭咎并訪得近年海上用兵皆爲虛文搪塞支
吾張大希圖掩罪冒功乞要嚴行鎮巡等官秉今丘
餉新集務要設法刻期蕩平失事各官方准贖罪吏
科給事中魏時亮題稱興化之賊連破諸縣復破府
城處處皆盈人人自危乃條列數事上陳各一節爲
照福建倭奴之變始而攻破衛城繼而攻破縣城今
又襲破府城群兇之雲焰蔽天一方之文獻掃地失
事異常誠如各官所論但閫外之責既已付之總督

閩中之事自當漸免紛擾所據奏內一應事宜係干廟謀者應該酌議係干軍機者應該聽其自處方見不從中覆之意合候

命下移咨右都御史張臬即便督率總兵官劉顯俞大猷巡撫都御史譚綸力除舊套大破常格乘我兵餉新集相度賊勢以次驅勦該科所言懸賞廣開重兵壓城疑兵據險及固圉之圖分合之策調借之力等項方略徑自酌量便宜從事本部不相遙制闔省士夫中間有能倡義率人保障城池者查照今議具奏旌賞果有激變一體糾調所調之兵未入閩境各省

巡撫官自行處給糧賞已入閩境福建巡撫官方行
處給糧賞至於條議兵食一事本部移文兩京九卿
科道各處撫按擘畫利害各另疏陳咨文至日通限
兩月以裏回奏其搜舉伏逸一事一面通行各該撫
按官密訪智勇絕人及精通天文兵法不拘山林廢
閑各以所長疏名會奏仍聽本部照依南北地方分
選委用試有成效以漸錄用既可收豪雋之材兼以
消豪俠之黨似緩實急相應亟爲舉行其戚繼光等
陞擢之典通候賊平之日一併甄錄以示激勸嘉靖
四十二年三月初五日題奉

聖旨是欽此

覆巡撫雲南都御史曹忭等奏武定府夷情疏
題爲地方夷情事職方清吏司案呈奉本部送兵科抄
出巡撫雲南等處地方都察院右副都御史曹忭巡
按雲南監察御史孫用鎮守雲南總兵官征南將軍
黔國公沐朝弼題俱奉

聖旨該部知道欽此通抄送司卷查先據雲南武定軍民
府土官知府鳳索林奏爲逆黨朋謀僞規兵部劄付
詐傳 聖旨結搆賊兵抄殺人財謀官搶印懇乞
天恩急救倒懸以安地方生靈事奏奉

聖旨兵部知道欽此又該鎮守雲南總兵官黔國公沐朝弼揭帖爲地方事內稱土酋鳳繼祖謀印殺害緣由已該本部備行彼處撫按勘處去後今該前因查呈到部看得雲南巡撫都御史曹忭鎮守總兵官沐朝弼巡按御史孫用各題稱武定土酋鳳繼祖冒官奪印與兵倡亂緣由在鎮巡則言鳳索林賦性柔懦把印二次奔省恐致踈虞暫委都司斷事劉欽鶴護管令鳳索林自便安插聽候勘處開諭瞿氏遵守

國法戒阻鳳繼祖不許妄爲仍令瞿氏招戢夷民暫理地方捕務如土官廢事年老就委流官署管土官止

是巡捕鈴東夷民在巡按御史孫用則言鳳繼祖始
捏奏搆兵繼敗盟稱亂若置不究恐諸果效尤乞要
嚴行撫鎮等官將逆酋鳳繼祖并惡黨董章等應撫
應勦作速據法撲滅并要將該府印信比照蒙化景
東二府佐貳流官掌管事例推補風力同知一員前
來管理另查鳳氏倫序相應之人承襲鳳索林應否
行令致仕仍乞

天語叮嚀川貴撫按戒諭貴州宣慰安萬銓等土官不許
陰行黨助各一節除流官同知移咨吏部選補外爲
照前項夷情始於姑婦不睦變起一家之中成

通諜奪補延四境之患武定雖在鋪城肘腋之間
而鎮城宜爲武定腹心之地鎮巡官同握重兵見往
彼中若不早爲計處恐致方來滋蔓之患合候
命下備咨巡撫都御史曹忭會同總兵官沐朝弼即將前
事速爲酌議或應撫處或應勦殺務要上申

國法下服人情徑自施行以求穩便不得草略了事反
啓群夷觀望之漸其鳳索林應否致仕鳳氏倫序應
該何人承襲該府印信應否照例流官掌管逐一查
明開奏定奪本部一面移咨川貴總督巡撫等官嚴
諭宣慰安萬銓安國亨并建昌會川各該土官不許

陰行黨助縱惡倡亂自貽嚴譴嘉靖四十二年三月十一日題奉

聖旨是欽此

覆巡撫福建都御史游震得條陳三事疏

題爲獻愚策以備採擇以安地方事職方清吏司案呈奉本部送兵科抄出提督軍務兼巡撫福建地方都察院右僉都御史游震得題奉

聖旨該部看了來說欽此欽遵抄出送司案呈到部看得巡撫福建都御史游震得條陳三事合就開立前議擬上請定奪嘉靖四十二年四月初五日題奉

臣等是各處功次着巡按御史依限勘報不許違延欽此
一曰任將蓄兵查得戚繼光陞副總兵協守溫城
寧等處胡守仁准充巡撫標下把總各令召募義
兵募星馳統領殺賊正是聯合二鎮便於調兵之勇
乃以相濟非以相病已經奉有

欽依無容別議但兩廣右都御史張臬既已兼督福建劉
顯戚繼光均在軍門節制之內其戚繼光以後不必
再聽劉顯節制免致掣肘

一曰圖任重臣看得兩廣都御史張臬已奉
欽依暫管廣閩軍務乃今都御史游震得乞要

欽定四庫全書
卷一百一十五
三
簡命重臣將南澳地方親臨經略并責成漳潮有司協心
撫順務使兵強食足以備緩急仍要持重以安地方
正是總督之責合無移咨臬臺將應勦應撫等項事
宜從長計議便宜施行

一曰時覈功賞查得勘報功次遲延月日不止福建
大率各鎮皆然臣等以爲功若詐冒則當直數其惡
明正其罪功若真正則常勘不遷刻賞不踰時若使
延久不報本部何從而覆擬有灰壯勇之心大傷

國家之體合無移咨都察院通行各處巡按御史今後
勦調大兵如福建者各要隨軍紀功其餘相去出巡

地方隔遠者亦要嚴行各道文書到日大功限兩月以裏勘報小功限一月以裏勘報一面各將節年奉到勘功勘合專置文簿二扇送都察院循去環來倒換都察院案候回道之日以此別其勤惰如司道府縣承勘稽違就聽各該巡按御史指名查叅

會議宣府督撫官江東等議脩南山墩牆疏

題為勘議南山嚴衝隘以防關輔衛

陝京以保永安事兵科抄出總督宣大山西等處地方軍務兼理糧餉太子少保兵部尚書兼都察院右副都御史江東巡撫宣府等處地方贊理軍務都察院右

僉都御史趙孔昭題俱奉

聖旨該部看了來說欽此欽遵抄出到部卷查近該戶部會題內稱各邊支費浩繁額徵錢糧不敷以致草料缺乏馬匹倒損不得實用議將太僕寺馬價銀自嘉靖四十二年為始每年動支三萬三千兩轉送戶部發太倉銀庫交收專備宣大年例草料支用每年務必足數以三年為期至四十四年停止等因奉

聖旨是欽此欽遵外今該前因臣等會同太子少保戶部尚書臣高耀等看得宣府督撫官尚書江東等題稱會議得懷來等五城脩補聯墩大牆添築營城圍牆

增築墩臺合用口糧二萬二千七百石塩菜銀一萬九千八百兩乞要戶兵二部各照分數早賜解發前來趲此四五月之間量其所急先爲興脩各一節爲照宣府南山一帶近連畿甸內拱

京揆以腹心肘腋之義關涉極重即如近日柳溝之警幾犯內地是其明驗以故臣博總督之時議於聯墩之內增置大牆不惟門戶之防實爲堂室之計自臣博回部以來因循日久未見告成乃今總督尚書江東等銳意興脩一以壯南山之形勝一以重北門之鎖鑰老成壯猷深可嘉尚况工程財力一切事宜會

同計處俱已周悉相應通行依擬合候

命下本部移咨江東督同巡撫都御史趙孔昭總兵官馬芳責成原任總兵官張承勛等用心綜理查照原議趁今天時融和刻期動土務要堅固牢實足堪保障合用銀兩兵部與戶部各照原議分出但今戶部屢稱缺乏兵部先於太僕寺馬價銀動支四萬兩差官解赴該鎮巡撫官處口糧鹽菜就於此中支用不必借用民運除兵部該銀一萬二千兩外其二萬八千兩就作兵部應解戶部嘉靖四十二年馬價之數前項銀兩如不敷用許於本鎮該追浥瀾侵盜虧折短

少糧七千六百石有零內嚴限追完轉用如仍不敷
督撫官計筭明白再行請討先舉牆工次及營城墩
牆墩臺通候工完之日巡按御史查覈明白効勞誤
事人員一併分別具奏以示激勸嘉靖四十二年四
月初九日題奉

聖旨是這墩牆既稱關係重要准給發銀兩脩築著江東
用心督理務期足堪保障欽此

覆福建巡按御史李邦珍查叅興化府等處失守
官員及議陣亡府同知吳世亮等卹典疏

題爲盜賊猖獗連破城池類叅失事官員以正法典事

職方清吏司案呈奉本部送兵科抄出巡按福建監察御史李邦珍題奉

聖旨兵部知道欽此欽遵抄出送司卷查節經本部題奉
欽依將陣亡同知黃釗贈右叅議廕一子入監讀書知縣
李堯卿贈太僕寺寺丞廕一子入監讀書指揮童乾
宸千戶戴洪各應襲兒男保送赴部襲陞二級主簿
畢清監生謝志望俱贈太僕寺寺丞各廕一子入監
讀書巡檢張璉伊男准給冠帶仍免本身差役俱經
通行欽遵外今該前因通查案呈到部看得巡按福
建監察御史李邦珍題稱福建地方無處無賊句司

之間連破五城興化一郡傷殘獨慘且賊自月朔薄
至月晦而陷雖云外援不力亦緣內備不嚴及叅
議分守中路叅將畢高分守福寧道叅政翁時器罪
當首坐興化衛掌印指揮等官徐將興化府通判李
光等九員宜服上刑興化衛指揮等官胡紳等二
十五員俱應罰治征勦廣福總兵官劉顯分守南贛
副總兵俞大猷鎮守福建副總兵楊繼分守北路叅
將充爲事官黎鵬舉俱應併究巡撫南贛都御史陸
穩仍當戒飭巡撫福建都御史游震得先已叅論福
建行都司等官張僑等十七員亦當併究福建都司

掌印兼管遊擊署都指揮同知徐高行都司掌印署
都指揮僉事馮文焯帶管分巡建寧道副使余曰德
建寧府知府楊一鶚分巡興泉兵備道右叅議兼僉
事萬民英分守建寧道右叅議秦宗道巡視海道副
使邵榘分巡福州兵備道副使汪道昆分巡漳南兵
備道僉事金澍分巡武平道僉事曾一經福建左布
政使曾下拱署按察司印右布政使盧夢陽分別罰
治及稱同知知張光祚千戶魯思亮邵千
叅副千戶張珊知縣周尚友縣丞葉德良徐九經訓
導盧學顏時承任栢大使李倫李景美俱應量爲優

恤各一節除將宸得革去職任聽勘翁時器畢高提
解來京問劉顯戴罪殺賊無容再議外爲照福建地
方倭寇與山寇往來縱橫聲勢相倚連破五城興化
尤慘各該官員平時守備不設臨警觀望不前專聞
寄者有偷生之心徒擁兵以自衛司城守者無效死
之志竟保軀以求全遂使衣冠禮樂之區變爲鯨鯢
虎兇之穴殃民悞國情罪深重既經巡按御史李
邦珍分別明白查叅前來相應通行議擬合候
命下將徐將等九員轉行彼處巡按御史提解來京與翁
時器畢高一并依律問擬胡紳等二十五員楊縉等

二員張僑等十七員仍行巡按御史李邦珍徑自提問分別具奏俞大猷戴罪殺賊徐高等九員重加罰治曾于拱盧夢陽量加罰治陸穩行令策勵供職守城被殺同知奚世亮照依黃釗事例贈右叅議廕一子入監讀書知縣周尚友照依李堯卿事例縣丞葉德良徐九經照依主簿畢清事例訓導盧學顏照依監生謝志望事例俱贈太僕寺寺丞各廕一子入監讀書指揮張光祚千戶曾思亮邵于蕃張珊照依童乾震戴洪事例將各應襲兒男保送赴部襲陞二級驛丞任栢大使李倫李景美照依巡檢張璉事例伊

男准給冠帶仍免本身差役嘉靖四十二年四月十

四日題奉

聖旨是徐將等巡按御史提解來京問胡紳等就彼提問
具奏俞大猷姑准戴罪殺賊徐尚等各罰俸半年曾于
拱虛夢陽各二箇月陸穩著策勵供職奚世亮等贈廕
都照例行欽此

覆巡撫南贛侍郎陸穩等議勦撫三巢劇賊疏

題爲三巢劇賊出劫官兵追逐併議勘處以圖善後事
職方清吏司案呈奉本部送兵科抄出巡撫南贛汀
漳等處地方提督軍務兵部右侍郎兼都察院右僉

都御史陸穩巡按江西監察御史陳志題俱奉

聖旨兵部知道欽此欽遵通抄送司案呈到部看得三巢賊寇賴清規李文彪謝允樟等在南贛都御史陸穩大意謂近日出巢流劫起於容懼奏詰至於僭竊事情勘無實跡欲要查照本部前議大揭榜文明開朝廷好生之德曉諭禍福許其悔罪投降比照饒平新民郭玉鏡事例准其贖罪填註劄付給與冠帶充爲千長餘黨免死聽其解散若不向化會議兵糧另行具奏在江西巡按御史陳志大意謂李文彪因容懼奏詰益自疑畏賴清規因葉楷妄稱報効擒殺伊男

又因安遠熊本紹將其部下吳京埤擒解邀功謝允
樟則爲二巢締結相爲嚮應乞要陸穩加意經略將
葉楷等正其啓釁之罪各一節爲照三巢之寇時出
流劫固不得號爲良民原未僭竊亦不宜誣爲逆黨
或撫或勦全在當事之臣處置得宜與不得宜故耳
即如容權所奏既稱不實自不足以聳服彼賊之心
葉楷所爲輕易究治又適足以張大彼賊之勢抑揚
輕重間不容髮查得江西新任巡撫都御史周相威
名壯猷三巢之人素所憚服相應亟行勘處合候
命下移咨周相會同陸穩備將前項賊情根究始末如果

應撫一面徑自撫處一面奏知如果應勦即將合用
兵糧會議停妥作速上聞一鼓擒之以正法典以靖
地方其葉楷等應該作何發落亦就明白計處務期
上伸 國體下杜弊端方稱 朝廷委任責成之意
嘉靖四十二年四月二十六日題奉
聖旨是欽此

覆巡撫浙江侍郎趙炳然條議海防疏

題為陳末議以裨海防事職方清吏司案呈奉本部選
兵科抄出提督軍務巡撫浙江地方兵部右侍郎
都察院右僉都御史趙炳然題奉

昔兵部看了來說欽此欽遵抄出送司案呈到部看得
巡撫浙江右侍郎趙炳然條陳八事均係地方要務
合就開立前件議擬上請及照揀任守令責以民兵
保甲之法乃安內之長圖整頓衛所責以軍民戰守
之宜定攘外之永計脩沿海麟次之兵則在陸有備
嚴出洋戰船之制則在水有備但雖槩陳其大綱尚
未盡詳其節目况北自江北江南浙江以達福建廣
東一水相通大率事體無異合無通行各該督撫等
官將前項事宜文書到日限一月以裏各另備細議
奏務成石畫不為畫餅方稱長便嘉靖四十二年五

楊東萊先生集卷之二十三
二
月初一日題奉

聖旨准議行欽此

一曰定兵額大意謂浙江領兵千把總領哨等官俱無體統欲將陸兵倣古什伍之制以次編立臂指相使無非振飭軍紀之意合無依其所擬備行本官督同將領兵備等官將各該陸兵逐一挨次編立營伍選委總哨管隊等官責成分管通屬主將居常隲宜操練有警相機戰守

二曰振軍伍大意謂浙江軍衛狼狽日久尺籍空存欲要將該省軍丁通行挑選頂補無非充實行伍之

意合無依其所擬備行本官嚴督二司清軍及都司操捫等官將所屬衛所分授委官弔查卷冊實在軍丁通融挑選老弱不堪者即於本衛所頂補逃亡故絕者就將鄰近衛分餘丁抵補編成行伍及時操練至於追屯糧革役占等項事宜悉聽徑自舉行

三曰練民兵大意謂浙江民壯弓兵本爲防盜飭奸而設邇來官司役占不行選練無非弭盜安民之意合無依其所擬備行本官嚴行兵備等官將各道見在民壯弓兵通行查出逐一揀選精壯責令掌印巡捕等官時常操練該道仍不時閱視有警與同官軍

併力戰守有功與官軍一體陞賞如或仍前後占不行操練悉聽撫按官指名叅究

四曰立保甲先該本部節據言官建議題奉

欽依備行兩直隸十三省各隨人情土俗從實舉行查與本官所見相同合無依其所擬備行本官照依節行事理嚴督守巡兵海等道各將府州縣城市鄉村不拘大小軍民逐一挨次編排某爲甲長某爲保長責令互相譏察仍要各置器械有警互相救應不許容留來歷不明之人潛住違者連坐至於山麓海畔各有巨姓大族有能自相連合拒寇保家者亦要編立

族長其防禦賞罰俱與保甲相同但不許出官打卯
迎送勾攝以致反成騷動

五曰明職掌大意謂浙江一省總兵叅將海道兵備
等官雖各分屬地方有警臨時多致推諉欲要將文
武官員申明職守無非分任責成之意合無依其所
擬備行本官行令總兵叅將海道守備等官以後將
官平居則悉心操練該道止許閱視遇警則奮力攻
勦該道止許監督不拘水陸一體遵行至於分別功
罪并省城添兵防守等項事宜徑自從實舉行

六曰分統轄大意謂浙直所設總兵副總兵官二員

木身... 卷一
總督既已裁革總副自難兼制欲要畫地專統無非
責成捍禦之意合無依其所擬備行浙直巡撫都御
史以後將見任總兵官楊尚英專管浙江一應水陸
兵務副總兵王應麟專管南直隸一應水陸兵務如
遇鄰省有警不分水陸互相應援如或自分彼此觀
望誤事聽各該撫按官指名叅究二官合用

勅書本部另行給換原 勅徑自奏繳

七曰嚴哨應大意謂浙江將領哨探策應俱無法紀
欲要申明哨應以飭海防無非明耳目以求知彼之
意合無依其所擬備行本官行令各該海防等道監

督總叅等官陸兵專責以守險水兵專責以出洋嚴
加哨探有警互相聲援務使水陸官兵同心共濟以
收戰功如或將領哨探不時策應不前互相推諉觀
望悉聽巡撫官應究問者按以軍法應叅究者從重
叅治

八曰公賞罰大意謂督撫不當與將領同其功罪其
在部下尤當賞不遺賤罰必自近無非鼓舞將兵之
意臣博總督宣大之時已嘗具題本部覆奉

欽依查與本官所奏更爲詳察南北事體大略相同合無
備行本官以後遇有斬獲之功則以親臨戰陣爲主

首敘總兵之功督撫止於加賞如偏裨有功總兵不在戰陣亦止議賞本兵與巡按御史通不許論功失事有罪亦以將領爲首其部下之人但有功級俱當從重論敘不宜輕遺微賤以失士心

覆福建巡按御史李邦珍等倭寇陷平海衛城疏題爲飛報盜賊日熾誘殺將官復陷城池事職方清吏司案呈奉本部送兵科抄出巡按福建監察御史李邦珍提督軍務兼巡撫福建地方都察院右僉都御史游震得題俱奉

聖旨兵部知道欽此欽遵抄出送司卷查先該巡按福建

監察御史李邦珍題該本部覆奉

欽依將陣亡遊擊倪祿立祠祭祀以慰忠魂應龍兒男保
送赴部襲陞二級俱經通行欽遵去後今該前因查
呈到部看得巡按福建監察御史李邦珍題稱福建
倭賊土寇日肆猖熾寧德平海相繼攻破及稱催促
總兵官俞大猷副總兵戚繼光星馳入援署都指揮
歐陽深督兵迎敵被賊設伏抵敵陣亡乞要督責各
該將官協力防勦并查明平海城內官員存亡印信
下落另行叅敘巡撫福建都御史游震得題稱前倭
二夥北則福寧登岸攻破壽寧政和二縣南則福清

登岸攻襲興化府城乃今奔突寧德縣城先因殘破
脩築未完被賊復陷平海衛城孤在海濱賊屯出洋
要路相繼襲陷并叅稱總兵官俞大猷副總兵戚繼
光浙江遊擊何本源相應查究陣亡署都指揮僉事
歐陽深憤賊未平竟成死事之忠相應厚加褒錄泉
州衛應襲舍人周岳鎮武舉生薛天申懷忠死難相
應勘明併錄各一節爲照福建地方海外新來之倭
奴日益猖獗境內無賴之土賊時復滋蔓府縣之城
節被攻殘軍衛之城又復襲陷但查前項事情俱在
三月以前即今兵馬錢糧計時已到既經彼處撫按

官具題前來相應通行亟處合候

命下本部馬上差人齎文交與總督廣閩都御史張梈巡撫福建都御史譚綸總兵官劉顯督率兵備叅守等官矢心協力速將見在賊寇通限一月以裏即為蕩平毋得養寇殃民自取嚴譴一面行令俞大猷照舊戴罪殺賊戚繼光星馳統兵戮力進剿何本源仍行浙江巡按御史查究明白徑自叅奏及照陣亡署都指揮僉事歐陽深本以文儒力任武事且能家散萬金身留一劒死事之忠委不容泯比照倪祿事例立祠祭祀仍給棺殮銀五十兩伊男保送赴部與做世

襲指揮僉事舍人周岳鎮武舉生薛天申稍候覈勘
至日一體優錄嘉靖四十二年五月初一日題奉
聖旨是這賊寇著張臬譚綸嚴督劉顯等協力勦殺刻期
蕩平俞大猷姑准戴罪立功何本源巡按御史提問具
奏其餘依擬欽此